

都及欲征蝦夷也。十月丁卯，征夷將軍大伴弟麻呂奏，斬首四百五十七級，捕虜百五十人，獲馬八十五疋，燒落七十五處。十四年正月戊戌，征夷大將軍大伴弟麻呂朝見，進節刀。十六年十一月丙戌，從四位下坂上大宿禰田村麻呂爲征夷大將軍。有副將軍等二十年九月丙戌，征夷大將軍坂上宿禰田村麻呂等言，臣聞云々，誅伐夷賊。十月丁巳，征夷大將軍坂上田村麻呂進節刀。十一月乙丑，詔曰：云々，陸奧國乃蝦夷等，歷代涉時，天侵亂邊境，殺略百姓，是以從四位坂上田村麻呂大宿禰等，遣天伐平掃治。之半流爾云々，田村麻呂授從三位，已下授位。

〔類聚國史百九十風俗〕延曆廿一年四月庚子，造陸奧國膽澤城使陸奧出羽按察使從三位坂上大宿禰田村麻呂等言，夷大墓公阿氏利爲盤具公母禮等，率種類五百餘人降。

〔日本紀略桓武〕延曆二十一年七月己卯，百官抗表賀平蝦夷。八月丁酉，斬夷大墓公阿氏利爲盤具公母禮等，此二虜者並奧地之賊首也，斬二虜時，將軍等申云：此度任願返入，招其賊類，而公卿執論云：野性獸心，反覆无定，儻依朝威，獲此梟帥，縱依申請，放還奧地，所謂養虎遺患也。即捉兩虜，斬河內國楳山。

〔日本後紀桓武十二〕延曆廿三年正月乙未，運武藏，上總，下總，常陸，上野，下野，陸奧等國糶一萬四千三百十五斛，米九千六百八十五斛，於陸奧國小田郡中山柵，爲征蝦夷。甲辰，刑部卿陸奧出羽按察使從三位坂上大宿禰田村麻呂爲征夷大將軍，正五位下百濟王敎雲從五位下佐伯宿禰社屋從五位下道島宿禰御楯爲副，軍監八人，軍曹廿四人。

〔日本後紀二十一嵯峨〕弘仁二年四月庚辰，正四位上文室朝臣綿麻呂爲征夷將軍，從五位下大伴宿禰今人，佐伯宿禰耳麻呂，坂上大宿禰鷹養爲副。壬午，勅征夷將軍等曰：夷狄干紀，爲日已久，雖加征伐，未盡誅鋤，今依來請，今將出兵，其軍監軍曹等，且簡用具奏上，但犯軍法，禁身請裁，隊長已下，依法決斷，國之安危，在此一舉，將軍勉之。五月壬子，勅征夷將軍正四位上兼陸奧出羽按察使文室朝臣綿麻呂。